



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

51. De Altari holocaustorum.

urn:nbn:de:hbz:466:1-14077

quæ illic fuerat omissa; ad communis enim vslus, & quotidianos duo millia batorum Mare pñnum continebat; cum tamen totum vslq; ad summum implebatur, ter mille batos capiebat. Et ideo, inquit Caiernus, in hebræo ad verbum habetur: *Fortificari faciēt, batos tria millia capiebat.* hoc est, cum totum vñque ad summum implebatur. Sic ille: *Fortassis, ut verisimile est, duplex erat batos apud Hebreos, vñus maior, quo in tabernaculo, & Templo Sacerdotes, & Leuitæ vebantur; alter vulgaris, & minor qui populo deseruiebat.* Veluti Siclus etiam dicitur iuxta sententiam aliorum fuisse duplex, sacer scilicet, & profanus. Et quemadmodum siclus sacer maioris ponderis, & estimationis erat, quam profanus, ita & batus vñus erat maioris mensuræ, quam alter minor, & vulgaris; ita ut batus maior vnum batum minorem, & dimidium contineret, habens ad batum minorem proportionem sesquialteram. Et prior scriptura cum dicit: *capiebat duo millia batos,* intelligit maiores; posterior vero dicens: *capiebat tria millia batos,* loquitur de bato minori, & vulgaris; & hic batus minor tantudem capiebat, quantum metra apud Græcos. Et ideo noster interpres vbi in hebræo legitur, posterior scilicet loco, tria millia batos, reddit tria millia metras.

Tertiò quæritur, Quid significant illa verba Scripturæ de Mari æneo: *Duo ordines sculpirarum histriatarum?* Plericū tum veteres, tum recentiores putant, histriatarum, dictum esse pro historiatarum, ita ut sensus sit, in Mari æneo sculptas fuisse antiquorum patrum historias. Verisimilius tamē est, non legēdum histriatarum cum alpiratione, sed sine illa histriatarum: nam istriata columna, vel sculptura, dicitur, quæ istrijs quibusdam constat, & istrijs Architecti vocant canaliculos, aut fulcos per eis, vel lapidem, vel lignum in longum ductos.

Deinde sequitur in Textu: *Et stabat super duodecim bony: quoniam videlicet illorum dorsis sustentabatur.* Sicut etiam nunc in hortis, palatijs, & aulis Regum, vel Principum passim videmus. Boues erant ærei: terni singulas cæli regiones spectabant; hoc est, tres Aquilonem, tres Orientem, tres Meridiem, & tres Occidentem. Porro vas hoc replebatur aqua, quam Natinæ deferebant usque ad peribulum fæcere, & inde eam Leuitæ in Mare immitebant gradibus conscientis, & per canales boum ori unmissis hauriebant. *Grositudo autem Luteris, trium vñciarum erat.* Luterem vocat, quod haftenus Mare appellavit. Luter, nomen est græcum, Græcis enim *λοτης*, id est, quod Latinis abluo: unde dictus est *λοτης*: erat enim Mare æneum ad ministerium fæcere, & ut quidam opinantur, ad victimas etiam abluedens: non quod in eo hosties lauarentur, sed quod ex eo aqua deriuaretur, qua & fæcere, & victimas lauabantur; probabilius tamen alij arbitrabantur, fæcere tantum ea a qua lauare se confueisse, quod etiam ipse fæcere literæ indicant.

Quarto quæritur, Ad quam partem esset Mare æneum in fæcere atrio collocatum? Scriptura ipsa locum exprimit his verbis: *Mare autem posuit ad dexteram partem templi contra Orientem ad Meridiem;* id est, ita ad Meridiem vergebat, ut ad Ori-

entem tamen verteretur: erat enim oblique quodammodo constitutum. Alibi item legimus, *Fe cit quoque (Rex Salomon) conchas decem, & posuit quæ à dextris, & quinque à sinistris, ut lauarent in eis omnia, que in holocaustum oblatur erant:* Porro in Mariæ neo fæcere lauabantur.

Cap. L I.

De Altari holocaustorum.

PRIMO quæritur, Quale fuerit hoc Altare? Respondeo, eius altaris formam, & figuram in Exodo à Deo descripsi. Dictum est, holocausti altare à potiori, & digniori oblatione, quæ in eis fiebat. Omnes enim victimæ in eo offerabantur, tametsi holocausta non effent. Factum est idem Altare ex lignis setim, quod ære tamen vindicte tegebatur, ne ligna, ex quibus factum est, ignis absumeretur. Erat totum quadratum, cuius quadrilaterus viginti cubitus patet, & erigebatur in altum decem cubitis: circumdabatur fossa seu canali quodam vnum cubitum profundo, per quem immolatorum animalium fanguis effusus, & deinde per canalis foramina in aqua immersus, per murum substructionem meridem versus in torrentem Cedron effluebat, donec tandem Mari mortuo excipiebatur. Fossa siue canalis muniebatur leptō vñ cubitum alto, quod Græci *περιστόλιον* appellant, id est, ambitum. In medio fossæ erat etiam erecta quædam crepido quadrata, & alta duos cubitos, super quam erat altare, quod dicebatur Ariel, hoc est, Leo Dei, id est, Magnus Leo: nam Hebrei rem magnam dicere solent rem Dei, sic cedri Dei, montes Dei, & similes. Magnus leo, Altare illud vocabatur ob multitudinem victimarum, quæ quotidie per ignem deuorabat: eratque quatuor cubitos altum, vel dictum est. Quasi leo Dei, eò quod Altare Dei esset veluti leo, qui sanguine victimarum madefactum erat. Nam leo prædam discerpens sanguinem exprimit, unde Isaías: *ve Ariel, inquit, Ariel civitas, quam expugnauit David,* deplorat Propheta futurum excidium totius urbis Ierusalem, & ideo ait ve altari, ve in qua altari, & templo, & ve in civitate Ierusalem, quæ altare, & templum habet. Et post: *Et erit mihi quasi Ariel,* id est, ut in altari victimæ maculantur, sic faciam, ut in urbe multi ingulentur, & necentur ab hostiis.

Præterea, totum Altare cauum erat, cuius superior pars craticulam ferream habebat, quæ totam Altaris vacuitatem æquabat, & è quatuor Altaris cornibus pendebat; eidem ligna, victimæ, & ignis imponebantur, vbi coquebantur, vel exurebantur: ignis autem in ima decurrens, & per cryptas extractus, ad locum destinatum deferebatur, quem Nemias vocat locum cinereum, quod craticula ferrea ita erat cauo Altari æqualis, ut in illud posset commodè inferri, & efferriri. Beda, Richardus, & Auctor Historie Scholastica ponunt in latere huius Altaris ostium, per quod carbones, & cineres extraherentur, ligna ad fouendum ignem immitterentur. Sed neque scriptura vspiam, neque Iosephus mentionem eius ostioli fecerunt, neque vero necessarium fuit, quia craticula ferrea poterat sursum extrahiri, quantum satis videretur, ac cum ligna imponebantur.

Secundum

2. Para. 4.

3. Reg. 7.

2. Para. 4.

3. Reg. 7.

*lxx. 20. Secundo queritur, An hoc Altare fuerit totum vacuum, an vero plenum terra vnde ad median partem? Richardus & Autor Historiae Scholasticae, & Abulensis opinantur, fuisse terra appletum vnde ad medium, propter verba illa Exodi: *Altare de terra facietis mihi, & offeretis super illo holocausta.* Ceterum ex libro Machabaeorum constat. Altare non terra, sed lapidibus repletum fuisse. Iudic enim, & fratres diruerunt holocaustum altare violatum, & pollutum a Gentibus, & reposuerunt lapides in monte domus in loco apto, & accepserunt lapides integros secundum legem, & edificauerunt altare nouum secundum illud, quod fuit prius. In eodem autem loco illo Exodi subiugiti: *Quod si altare lapideum feceris mihi, non edificabis illud de scelis lapidibus,* ac idcirco liber Machabaeorum (ut retulimus paulo ante) *Acceptem, inquit, lapides integros,* hoc est, minimè lapidos. Possum est autem altare sub dio, non intra Tabernaculum, aut Templum, propter ignem, & sanguinis ac victimarum odorem. Solomon fecit altare illo priori maius: legimus enim: *Fecit quoque altare aeneum virginis cubitorum longitudinis, & virginis cubitorum latitudinis, & decem cubitorum altitudinis.**

Tertio queritur, Quo modo ad Altare tam alium ascenderetur? Respondeo, Deum Mosi praecepisse: *Non ascendes per gradus ad altare meum, ne res te seruas impinguo tua, vnde licet altare emineret, non erat tam ad illud ascensus per gradus, aut ex lapidibus, aut ex lignis ordine positos, sed erat continuus per terram ipsam, que sensim in altum surgebat.*

Quarto queritur, Quæ & qualia fuerint vas ad hunc Altaris vissus necessaria? Ita legimus in Exodo: *Faciesque in vissu eius lebetes ad suscipiendo cibos, & forcipes, atque fascinulas, & ignium receptacula.* Omnia vasa ex argento fabricabitis. Liber quoque Regum ita scribit: *Fecit ergo Hiram lebetes, & scutrae, & amulae, & postea: Et iucundas desiges aureas, & forcipes, & hydrias, & fascinulas, & phialas, & moriarola, & thuribula, & auro purissimo.* Lebetes hebraicè dicuntur *sirion*, noster interpres sapè vertit in ollas. Erat autem vas in modum ollæ factum, ad cineres suscipiendo. Forcipes in hebreo dicuntur *tiam*, Hieronymus alicubi interpretatur tridentes, nam vero forcipes. Instrumentum hoc erat, quo ignis capiebatur. Fascinula hebraicè *mizrah*, folit Hieronymus reddere tridentes verum alibi interpretatur vincinos, alio loco reddit fascinulas. Instrumentum erat, quo carnes exolla, vel alio loco capiebantur. Vnde interdum vocantur *Creagre*, à carne capienda. Phiala in hebreo dicuntur *mizlegoh*, vas erat magnum, & amplum, ad bibendum accommodatum: eius vissus erat in templo, ad victimarum sanguinem excipiendum. Scutra in hebreo *tiam*, vas erat rotundum, quale ad menias adhibetur, vnde ex scutra, dicta est scutella. Amulæ hebraicè *mizrah*: Amulam autem Latini vocant genus valculi ad aquam gestandam. Thymateria in hebreo *Mezameror*, vasa erant, quibus odores incendiendi ponebantur. Mortariola, vasa erant parua in modum volvæ manus facta, ad thura, & alia similia excipienda. Thuribula, vasa erant veluti cochlearia quadam, in quibus thura, vel panes ponebantur.

Caput LII De Salomonis Templo, eiusque partibus.

Recta hominum ratio prescribit, ut templum in Dei cultum, & honorem erigamus, non quod loco Deum includere velimus, aut possimus, sed ut in certum locum pīj eius cultores conueniant, vbi verbum diuinum audiant, intelligent, & discant; vbi preces, vota, & sacrificia offerant; vbi Deo lese presentes exhibeant, vbi Deo pro beneficijs acceptis gratias agant, vbi diuinis rebus inserviant, vbi denique Deus cultu, & veneratione honoretur a cunctis. Ex lignis, & lapidibus, ait Aug. lib. 1. De Symbo. ad Catechis. ca. 5, dignatus est Deus facere, sibi domum per fernam suam in terra, vbi regaretur, vbi moraretur. Sic ille. Conuenientibus in unum locum destinatum ad Dei cultū pīj homines studiosius, & religiosius conuocantur, orant, facias interlunt, diuinas coaciones audiunt, & eo magis audiuntur a Deo.

*S. Th. 1.2.
q. 102. a. 4.
ad 1.*

Sed cur unum tantum templum, & altare volunt sibi Deus a Iudeis extrui, & erigi? Nimis voluit Deus indicare le unum Deum esse: voluit Hebreorum populum auertere ab errore Gentium plures Deos credentium, ac ideo in multorum Deorum cultum plura tempora fabricantur. Sed cur tamen in lege gratia, id est. Evangelica plura tempora vni Deo eriguntur, quia lex Gratiae ad omnes gentes, & nationes fertur, non ad unum Hebreorum populum. Omnes autem mundi nationes in unum locum conuenire nequeunt. Rursum, per legem Christi omnis est Idolorum cultus damnatus, & electus; omnis plurium Deorum superstitione confutata, & exploita; & ideo absque illo periculo erroris multa vni Deo tempora fabricamus. Et quia Iudei unum templum tantum habebant, ideo in urbibus synagogas extruebant, in quibus sacrarum literarum lectionem audiebant.

Primo queritur, Quot partibus Templum constaret? Respondeo tribus: nam tota domus, quæ Templum dicebatur, tripliciter in sacris literis accipitur: **P**rimo modo, ut continet etiam atria, ad quæ tantum laicus aditus patebat: & hoc modo in Evangelio legimus Christum Dominum iste templum, vel introisse in Templum Salomonis, hoc est, in atrium quoniam cum esset ex tribu Iudei, non permittebatur intrare nisi vnde in atrium. Secundo modo, ut continet etiam porticum, quæ erat ante Templum: **T**ertio, ut continet duas partes interior, & exterior: quarum interior dicitur Sancta Sanctorum, exterior simpliciter, Sancta. Domus igitur prout continet etiam porticum, in tres partes erat dividita: una versus Orientem sita, Porticus appellabatur, & vestibulum aliquando latius interpres vocat, hebraicè *Yam*, Post Porticum versus occidentem, erat pars templi hebraicè dicta *Echal*, latine *Templum*, vel exterior domus, aliquando Sanctum. Tertia templi pars omnium intima hebraicè dicitur Deur, latine oraculum, quod inde Dominus responsa reddebat. vocatur etiam Sanctum Sanctorum, hoc est, Domus sanctissima, aliquando etiam per Antonomasianam, San-

אָרוֹן
הַיְבָל
כְּבָד

Etum,